

ATONZU

In palas de monte
s'isteddu andatanu 'e sa sorte
s'est parau custa notte.

Arvadas de 'ogu
su mudine 'e sa terra han truncau
chin surcos d'isporu
inue fruttos crompios
s'ispozan de s'oro 'e s'istade.

Su voe muriache
irfattu
brenugos in terra
amustrat su vrore de tanda
in gattile pintau
da 'istoccu puntzudu 'e peleas.

Gorgozat su trainu 'e coraddu...

Sa terra
indolente cannibale mamma
tracheddat chin sannas de preda
sa carre 'atta bisu
ingraidandesi torra
de lantias de sole
chi an colores de carre e de bisu.

S'alinu 'e su sero
chin sazos d'amentos mi punghet
ispinniande sos tuddos canudos;
A car'arta
irvetto
mirande su lampu 'e su tempus
chi ballat in risidas attas
antigas promintas fuinde.

E m'est su 'entu carignu...

AUTUNNO

Dietro l'orizzonte / la stella vagante del destino / è sparita stanotte.

Vomeri di fuoco / il silenzio della terra han violato / con solchi di sgomento / dove frutti maturi / l'oro dell'estate vi posano.

Il bue muriache / sfinito / le ginocchia piegate / il rosso papavero mostra / sulla nuca dipinto / da aculeo mordente di pene.

Gorgoggia il rio di corallo...

La terra / indolente cannibale mamma / con zanne di pietra divora / la carne che è sogno / ingravidandosi ancora / di lumi di sole / che han colori di carne e di sogno.

La brezza della sera / mi punge coi ricordi / i canuti ciuffi scarmigliando; / alta la fronte / aspetto / contemplando il lampo del tempo / che balla in rupi beffarde / le antiche promesse fuggendo.

E carezza m'è il vento...